

## НА «БОГ ГОСПОДЬ»

### ТРОПАРЬ ПРАЗДНИКА, ГЛАС 4:

**Р**ождество Твое, Христе Бóже нáш,/ возсия миру свет  
рáзума,/ в нем бо звездам служа́ции/ звездою  
учáхуся/ Тебе клáняются, Солнцу Пра́вды,/ и Тебе ведети с  
высоты востóка.// Господи, сла́ва Тебе́. **Дважды.**

**Слава и ныне, тойже тропарь.**

**Полиелей:**

### ВЕЛИЧАНИЕ ПРАЗДНИКА:

**В**елича́ем Тя,/ Живода́вче Христé,/ нас ради ныне плотию  
ро́ждшагося/ от Безневéстных и Пречíстых// Дéвы Мари́и.

### Псалом избранный:

**В**оскликните Господеви вся земля./ Пойте же имени Его. Дадите  
славу хвале Его./ **П**оведите вся чудеса Его./ Рцыте Богу: коль  
страшна дела Твоя./ **Д**а возвеселятся небеса, и возрадуется земля./  
**В**оспойте Господеви, пойте имени Его./ **И**споведание и великолепие  
дело Его./ **И**збавление посла людем Своим./ **С**вято и страшно имя  
Его./ **О**т Сиона благолепие красоты Его./ **Б**ог же наш на небеси и на  
земли вся, елика восхоте, сотвори./ **М**илости Твоя, Господи, во век  
воспою./ **Т**ой воззовет Мя: Отец Мой еси Ты./ **И** Аз первенца по-  
ложу Его. Высока паче царей земных./ **И** поклонятся Ему вси царие  
земстии./ **К**то бог велий, яко Бог наш? Ты еси Бог творяй чудеса./  
**М**ышцею силы Твоя разгнал еси враги Твоя./ **И**з чрева прежде  
денницы родих Тя./ **К**лятсЯ Господь, и не раскается./ **Т**ы иерей во  
век, по чину Мелхиседекову./ **Г**осподь рече ко Мне: Сын Мой еси  
Ты. Аз днесь родих Тя./ **П**роси от Мене, и дам Ти языки достояние  
Твое./ **И** одержание Твое концы земли./ **В** главизне книжней писа-  
ся о Мне./ **П**рестол Твой Боже, в век века./ **Ж**езл правости, жезл  
царствия Твоего./ **С**его ради помаза Тя Боже, Бог Твой елеем радо-  
сти./ **Я**ко Ты наследисти во всех языцех.// **Б**лагословен Господь во  
век, буди, буди.